

Uunga siunnersuut: Inissianik attartortitsisarneq pillugu Inatsisartut peqqussutaata allanngortinneqarnissaa pillugu Inatsisartut inatsisaat nr. xx, xx. xxx 2019-imeersoq
(Pisortat inissiaataanni attartortittakkani uumasuuteqarneq aamma attartortup toqunerani il.il. attartukkamik tiguisarneq pillugu maleruagassat allanngortinneqarneri)
(Ineqarnermut Attaveqaqatigiinnermullu Naalakkersuisoq)

Akissuteqaat

(Ineqarnermut Attaveqaqatigiinnermullu Naalakkersuisoq)

Aappassaanneerreqarnera

Inatsisartut Sanaartornermut Ataatsimiititaliaat allannguutissatut siunnersuummut isumaliutissiissummik tunniussivoq. Naalakkersuisut Inatsisartut Sanaartornermut Ataatsimiititaliaat allannguutissatut siunnersuummik suliaqarneranut qutsavigaat.

Sanaartornermut Ataatsimiititaliap aappassaanneerinissamut isumaliutissiissutaat tunngavigalugu, Naalakkersuisut aappassaanneerinissamut allannguutissatut siunnersuummik saqqummiussipput.

Sanaartornermut Ataatsimiititaliap inassutigaa, Naalakkersuisut allannguinnissamut siunnersuummik saqqummiussissasut, taamaalilluni § 60, imm. 1 atuutsiinnarneqassasoq, kisiannili “sivikinnerpaamik ukiuni marlunni attartortumut inoqutaasoq” allanngortinneqarluni “sivikinnerpaamik qaammatini arfinilinni attartortumut inoqutaasoq” ikkunneqassasoq.

Taamaalilluni pineqartut tamarmik, taakkunungalugu qatanngutit, ernuttat allallu inoqutigiinni najugaqaqataasut ilanngullugit ilaatinneqarsinnaalissapput.

Kiisalu ataatsimiititaliamit inassutigineqarpoq, siunnersuummi § 60, imm. 2 allanngortinneqassasoq, taamaalilluni aamma qitornat qatanngutillu ilaatinneqalissallutik.

Tassalu Naalakkersuisut Sanaartornermut Ataatsimiititaliap inassuteqaataa akueraat, aammalu allannguutissatut siunnersuummik saqqummiussaqaarlutik.

Taamatut oqaaseqaateqarlunga Naalakkersuisut sinnerlugit immikkoortoq Inatsisartuni kajumittumik suliaanngorlugu tunniuppara.